

اِقْرَأْ
IQRA

EVOLUSI
DEKAD
1998-2028



UNIVERSITI
TEKNOLOGI
MARA

Cawangan
Selangor

BULETIN PTAR BIL.5 /2026 MEI

UiTM CAWANGAN SELANGOR



BULETIN PERPUSTAKAAN TUN ABDUL RAZAK
UiTM CAWANGAN SELANGOR

PERBINCANGAN KOLABORASI BERSAMA JABATAN PENDIDIKAN NEGERI SELANGOR

Tarikh : 4 Mei 2026 | 16 Zulkaedah 1447H
Lokasi : PTAR Kampus Puncak Alam

Satu sesi perbincangan kolaborasi telah diadakan bersama Puan Hafizah dan Puan Syarul Bariah daripada Jabatan Pendidikan Negeri Selangor bagi membincangkan cadangan pelaksanaan Program Asas Kepustakawanan Tahun 2026 yang dijadualkan berlangsung pada Ogos 2026.

Perbincangan ini merangkumi aspek perancangan aktiviti, penetapan kumpulan sasaran, kaedah pelaksanaan serta potensi impak terhadap pembangunan pendidikan di peringkat Negeri Selangor. Selain itu, turut dibincangkan peluang penganjuran program secara bersama, perkongsian kepakaran serta penglibatan komuniti pendidikan secara menyeluruh.

Pihak Perpustakaan Tun Abdul Razak (PTAR) UiTM Kampus Puncak Alam merakamkan setinggi-tinggi penghargaan dan terima kasih kepada pihak Jabatan Pendidikan Negeri Selangor atas kesudian hadir serta komitmen berterusan dalam menjayakan kolaborasi ini. Diharapkan kerjasama strategik ini akan terus diperkukuh demi manfaat bersama, khususnya dalam memperkasa pembangunan ilmu dan pendidikan di Negeri Selangor.



LAWATAN PEMERIKSAAN PERAKUAN BOMBA (FIRE CERTIFICATE) DI PTAR UITM PUNCAK ALAM

Tarikh : 7 Mei 2026 | 19 Zulkaedah 1447H
Lokasi : PTAR Kampus Puncak Alam

Pada hari ini, 7 Mei 2026, telah berlangsung sesi pemeriksaan bagi Perakuan Bomba (Fire Certificate) oleh pihak Jabatan Bomba dan Penyelamat Malaysia (JBPM) di Perpustakaan Tun Abdul Razak (PTAR), UiTM Cawangan Selangor, Kampus Puncak Alam.

Tujuan pemeriksaan ini adalah untuk memastikan seluruh bangunan PTAR mematuhi piawaian keselamatan kebakaran yang ditetapkan. Langkah ini penting bagi menjamin persekitaran yang selamat dan kondusif untuk para pelajar, staf, dan seluruh warga universiti yang menggunakan kemudahan perpustakaan.

Pihak PTAR merakamkan setinggi-tinggi penghargaan kepada JBPM atas ketelitian sepanjang pemeriksaan dijalankan, serta terima kasih kepada warga UiTM atas kerjasama yang diberikan.



اِقْرَأْ

IQRA

SEKALUNG PENGHARGAAN DAN TERIMA KASIH

Tarikh : 12 Mei 2026 | 24 Zulkaedah 1447H
Lokasi : PTAR Kampus Puncak Alam

Program Bicara Pakar: "Think Before You Post" – Teknik Komunikasi Berkesan di Media Sosial, telah berlangsung dengan jayanya pada 12 Mei 2026 (Selasa) secara siaran langsung di PTAR Kampus Puncak Alam.

Setinggi-tinggi penghargaan diucapkan kepada Encik Mohd Yusof Mustaffar selaku penceramah dan moderator program, Cik Nurul Faiqah Azahar

Terima kasih juga kepada semua peserta yang telah menyertai dan memberikan komitmen sepanjang sesi berlangsung. Diharapkan perkongsian yang disampaikan dapat memberi manfaat serta meningkatkan kesedaran tentang kepentingan komunikasi berhemah di media sosial.

Semoga ilmu yang diperoleh dapat dipraktikkan dalam kehidupan seharian kita.



NADI ILMU UNIVERSITI: SESI LIBAT URUS BERSAMA FAKULTI FARMASI, FAKULTI PENDIDIKAN DAN FAKULTI SAINS KESIHATAN

Tarikh : 19 Mei 2026 | 2 Zulhijjah 1447H
Lokasi : PTAR Kampus Puncak Alam

Menerusi Sesi Libat Urus berimpak tinggi di antara PTAR UiTM Cawangan Selangor, Fakulti Farmasi, Fakulti Pendidikan dan Fakulti Sains Kesihatan yang dikemudi oleh Puan Hafiza Mustape, Encik Amir Muhamad Shafie dan Cik Nurul Nadiah Harun, satu sinergi strategik telah berjaya dibentuk bagi memacu agenda 'Knowledge Society'.

Wacana ini turut menterjemahkan keupayaan luar biasa PTAR melalui pemilikan aset bahan rujukan dan pemeliharaan harta intelek, sekali gus mengukuhkan paksi capaian tanpa had ke atas sumber ilmiah berprestij tinggi. Penggembengan usaha yang menyokong inisiatif budaya membaca universiti ini bertindak sebagai langkah intervensi proaktif, menobatkan PTAR sebagai nadi penggerak utama dalam menjamin kelestarian sumber maklumat berintegriti untuk seluruh ekosistem universiti.



TIRAI JELAJAH ILMU @FSK BERLABUH DENGAN CEMERLANG: TERIMA KASIH WARGA FSK

Tarikh : 19 Mei 2026 | 2 Zulhijjah 1447H
Lokasi : Fakulti Sains Kesihatan (FSK), UiTM Puncak Alam

Setinggi-tinggi apresiasi dan sekalung tahniah diutuskan kepada seluruh warga Fakulti Sains Kesihatan (FSK) atas jalinan sokongan yang tidak berbelah bahagi. Program Jelajah Ilmu @FSK telah berjaya dimanifestasikan dengan cemerlang di Lobi FSK pada 19 Mei 2026.

Komitmen berterusan dan sinergi utuh yang dipamerkan dari awal pagi hingga ke penghujung acara benar-benar menterjemahkan semangat pembudayaan ilmu di fakulti ini.



SINERGI LITERASI & KEPIMPINAN: BENGKEL ASAS KEPUSTAKAWANAN SK DENAI ALAM

Tarikh : 20 Mei 2026 | 3 Zulhijjah 1447H
Lokasi : Sekolah Kebangsaan Denai Alam, Selangor

Siapa kata tugas di Pusat Sumber hanya menyusun buku? Hari ini, barisan pengawas Pusat Sumber Sekolah (PSS) Kebangsaan Denai Alam telah membuktikan bahawa mereka adalah wira dan wirawati penggerak literasi sekolah!

Bagi memperkasakan ekosistem keilmuan di peringkat akar umbi, satu Bengkel Asas Kepustakawanan yang komprehensif dan penuh energi telah berjaya dianjurkan khas untuk barisan kepimpinan kecil PSS SK Denai Alam. Inisiatif berimpak tinggi ini bukan sekadar memberi pendedahan teknikal, malah bertindak sebagai katalis dalam membina keyakinan diri dan semangat kerjasama berpasukan dalam kalangan peserta.

Sekalung apresiasi dan tahniah diucapkan kepada semua peserta, pihak pengurusan sekolah atas jemputan serta fasilitator yang telah menggembeng tenaga menjayakan wacana ilmu ini. Komitmen anda semua sememangnya luar biasa!



PROGRAM JELAJAH ILMU @ HEP : TERIMA KASIH WARGA HEP UiTM SELANGOR KAMPUS PUNCAK ALAM

Tarikh : 21 Mei 2026 | 4 Zulhijjah 1447H
Lokasi : Pejabat Hal Ehwal Pelajar (HEP), UiTM Kampus Puncak Alam

Sekalung penghargaan dan ucapan terima kasih dirakamkan kepada seluruh warga Hal Ehwal Pelajar (HEP) atas sokongan serta komitmen tinggi dalam menjayakan Program Jelajah Ilmu @HEP anjuran Perpustakaan Tun Abdul Razak, Kampus Puncak Alam. Program ini telah berlangsung dengan lancar dan mencapai objektif yang disasarkan.

Program Jelajah Ilmu @HEP merupakan inisiatif outreach oleh Perpustakaan Tun Abdul Razak (PTAR), Kampus Puncak Alam bagi mendekati warga Bahagian Hal Ehwal Pelajar (HEP) UiTM Cawangan Selangor. Program ini memfokuskan kepada promosi perkhidmatan digital, peningkatan literasi digital serta pengukuhan budaya membaca dalam kalangan staf pentadbiran.

Impak program ini dapat dilihat melalui peningkatan kefahaman staf terhadap aplikasi seperti MyReading, sistem PERMATA dan BSU, selain memudahkan akses bahan melalui Book Delivery Services (BDS) serta menggalakkan pembacaan digital secara fleksibel.



KURSUS PENULISAN SURAT RASMI

Tarikh : 21 Mei 2026 | 4 Zulhijjah 1447H
Lokasi : Secara Atas Talian

Kursus Penulisan Surat Rasmi telah dianjurkan bagi meningkatkan kompetensi warga UiTM Cawangan Selangor, Kampus Dengkil dalam penyediaan dan pengurusan surat rasmi. Program ini bertujuan memperkukuh pemahaman peserta terhadap format, tatacara dan etika penulisan surat rasmi yang berkesan, selaras dengan standard serta amalan tabdir urus universiti.

Selain itu, kursus ini turut memberi pendedahan mengenai penggunaan bahasa yang tepat, jelas dan profesional bagi memastikan penyampaian maklumat yang berkesan dalam urusan rasmi universiti.



AUDIT KENDIRI PERJAWATAN DAN ORGANISASI (AKPO) UCS 2026

Tarikh : 21 Mei 2026 | 4 Zulhijjah 1447H
Lokasi : PTAR UiTM Cawangan Selangor Kampus Puncak Alam

Satu lawatan Audit Kendiri Perjawatan dan Organisasi (AKPO) UCS telah diadakan di PTAR Kampus Puncak Alam pada 21 Mei 2026 yang diketuai oleh Encik Nor Amiruddin bin Mokhtaruddin, Pengarah Pengurusan Sumber Manusia UiTM dan Encik Hamzah Aziz sebagai auditor.

Inisiatif Audit Kendiri Perjawatan sedang digiatkan bagi menilai, menyelaraskan, dan mengoptimalkan ekosistem guna tenaga di PTAR UiTM Cawangan Selangor. Ini adalah untuk memastikan kelestarian kerjaya, keseimbangan beban tugas, dan peningkatan produktiviti warga kerja secara holistik.



PROGRAM TALAQQI KEROHANIAN: HADIS 40 IMAM NAWAWI

Tarikh : 22 Mei 2026 | 3 Zulhijjah 1447H
Lokasi : PTAR UiTM Cawangan Selangor Kampus Puncak Alam

Perpustakaan Tun Abdul Razak (PTAR) UiTM Cawangan Selangor Kampus Puncak Alam dengan kerjasama Unit Hal Ehwal Islam (UHEI) UiTM Cawangan Selangor telah mengadakan Program Talaqqi Kerohanian: Hadis 40 Imam Nawawi. Program ini diadakan di Ruang LCE, Aras 4, PTAR UiTM Cawangan Selangor Kampus Puncak Alam bermula pada 9.30 hingga 10.30 pagi dan disampaikan oleh Ustaz Khairul Azwad Ibrahim, Penolong Pendaftar (Hal Ehwal Islam).

Berdasarkan hadis sahih riwayat al-Bukhari dan Muslim, paksi kelestarian iman seorang Muslim bergantung sepenuhnya kepada pengakuan tauhid yang mutlak (Syahadah), penegakan ibadah yang konsisten (Solat), penyucian harta demi kesejahteraan ummah (Zakat), penyuburan jiwa di bulan suci (Puasa Ramadan), dan kemuncak penyerahan diri di Baitullah (Haji). Hayati dan peliharalah kelima-lima asas monumental ini, kerana utuhnya rukun ini maka teguhlah pasak keislaman dalam diri kita.

